



bad 79 ngut kiba shah pyniap ha ri India man la ka sngi. Ki brieuw ki ieit bad pyrkhhat tang īalade ba kim salia shuh ba kumno bad katno ki jingleh jong ki ka pynmong bad pynjynjar ia kiwei pat.

U Trai Jisu Ula īathuhlypa ba kine kiei kin jia ha shuwa ka jingwan jong U ha ka burom. Katba ngi īohi ia kine ki dak ba ki urnal, ngi lah ban pynthikna ba ki jingīathuhlypa jong U ki long kiba shisha bad ka jingwan jong U ka la jan bha!

Ka Jingpynkhreh ia ka Jingwan U Trai Jisu!

Kito kiba im tang ha ka jingkhwan lade, kiba sarong, bad kiba im ha ka jinglong bymman kin ym sngewbha ia ka jingwan jong U Trai Jisu. Ha ka jingshisha, haba Un wan ha ki lyoh, ki kam bymman jong ki baroh kin hap halor jong ki kum ka jingpynjot bakhraw. Kin wad jaka ban phet rieh na ka khmat jong U bad kin pyra ha ki mawsiang bad ki lum, “To hap halor jong ngi bad buhrieh ia ngi na ka khmat jong Uta Uba shong ha ka khet!” (ka Baibl, Jingpynpaw 6:16).

Hynrei kito kiba shaniah ha ka jingknia jong U Trai Jisu, ia ki yn sa pynkylla ha ka shikhylipmat bad un ai ruh ia ki ka met ka bymiap shuh. Yn sa rah noh ia ki ha ki lyoh ban

lait na ka jingjot bad jingsniew ka pyrthei junom. Lada phi kwah ban don bynta bad kito ki ban īakmen bymjukut, phi lah ban duwai mynta ia kane ka jingduwai:

Ah U Blei Nongthaw baieit, nga ngeit ba U Trai Jisu Un sa wan shen. Sngewbha hikai ia nga kumno ngan tip, ithuh bad shaniah ha U Trai Jisu mynta khnang ba ngan lah ban don bynta lang bad kito kiban shah rah sha bneng. Amen.

Lada phi kwah ban tip kham bniyah shaphang ka jingīathuhlypa ka lawei U Trai Jisu, sngewbha phone ne thoh sha ngi lyngba ka jingtip ba la ai hadien jong kane ka kot.

Jingpule shuh shuh



Scan ia u QR code ban tip kham bniyah.



Ka Jingkut ka Pyrthei



Copyright © 2023 by Sharing Hope Publications. Lah ban shon bad iasam ia ki kam na ka bynta ki jingthmu ki bym del na ka bynta ka kam khaili khlem jingbit.

Ia ki jingthoh Bakhuid la sot na ka Baibyl Khasi®. Copyright © The Bible Society of India.

URamandeep u pynkhhii ka met ka phad ban pynaram ia ka met tymmen jong u. Ha kine ki sngi ki mat jong u ki la nang kham pang shuh shuh, bad katba u khmih sha ki lyngkha kba, i kumba ki rong ki byrngut lut baroh. U lah ban iohsngew ia ka pyrsa kurim jong u katba ka dang shet jingshet, bad u la ju pyrkhat lada ki dkhot ka longiung ki khein ia u kum ka jingkit bakhia ia ki. Ka jinglong tymmen kam dei kaba suk—ym tang ia u hynrei wat ia kito kiba sumar ia u ruh kumjuh.

U ju pyrkhat ia kaei kaba u nonghikai u la ju iathuh ia u ha ki por ba u dang samla bad u dang lah ban leit sha ka templ. U nonghikai la jong u la ong ba don saw tylli ki juk ha ka pyrthei—kawai hadien kawai pat ka nang san na kaba sniew sha kaba kham sniew shuh shuh. Ka juk bakut syndon—ka Kali Yuga—kan long ka juk kaba sniew tam na baroh, kaba dap da ki jinghala, ki jingjynjar bad ka jingdum. U Ramadeep u la pynhiar mynsiem jylliew. Lehse kane ka Kali Yuga ka long khyndiat kum ka jinglong tymmen—ka jingnloh bad jinglot kaba hiar arsut khatduh iawai na kata kaei kaei kaba bha kaba la ju long mynnor re. U la iohsngew ia ki khubor, kumno ki briew ki ia iap na ki jumai, ki jingpang, ki jingshah pyniap, bad ki thma. Kito kiba lait-im na kine ki kylla long kiba beh ia

ka spah pyrthei, kiba diaw bad kthang mynsiem, bad kiba lyngkar ka jingim.

Lano kane ka pynthei badap jingjynjar kan kut noh? Hato lah mo ia ka met tymmen jong u—bad ia kane pyrthei kaba la jot bad la sniew—ban pynim thymmai pat?

Ka Jingiathuh ia kaei ka ban sa jia ha Pyrthei

Nga kwah ban pynithuh ha phi shaphang U Nongiathuhlypa bakynja-blei, nga shaniah skhem ha ki dak ki shin kiba U la hikai. Uta U dei U Trai Jisu Khrist. U la wan sha ka pyrthei kum u briew, ban pynkhiah ia kiba pang, bad U la hikai bad iathuh kumno ki lah ban rung sha ka Hima ki Bneng. Mynga u dang don 33 snem ka rta U la aiti ia la ka jingim ban long ka jingknia. Hynrei U la mih pat na ka jingiap da ka bor phylla! U la ong ba lada ngi shaniah bad kohnguh ia ki ktien jong U, ka jingknia jong U kan pynioh ha ngi ka jingmap bad ka jingpynlait im.

U Trai Jisu U kren shaphang ka ban sa jia ha kane ka pyrthei, bad U la ong ba un sa pynkut ia baroh ki jingbymman ha kane ka pyrthei. Ka kot jong U, Ka Baibl, ka long ka Kot kaba dap da ki jingiathuhlypa. Ngi dei ban shahshkor ia ki jingiathuhlypa jong U khnang ba ngin tip bad sngewthuh kumno ba ka jingkut ka la jan wan.

Kaba Kut Noh ka Pyrthei

Ha kawei ka sngi, ki nongbud jong U ki la kylli, “Kaba kumno ka dak ka jingwan jong me, bad kaba wai noh kane ka pyrthei?” (ka Baibl, Mathaios 24:3). U Trai Jisu U la iathuh ba shuwa ka jingwai noh ka pyrthei, yn iohi ia ki dak ki shin kiban ai jingsngewthuh ia ngi ba ka por ka la jan. Kine ki dak ki kynthup:

1. Ki Nongpynam Shukor. U Trai Jisu U ong, “To sumar ba uno uno ruh un ym shukor ia phi. Naba bun kin iawan ha ka kyrteng jong nga, ki da ong, ‘Ma nga uba U Khrist’, bad kin shukor ia shibun” (Mathaios 24:4–5). Ngim dei ban shah shukor ha kine ki nonghikai lamler kiba kam ba ki dei U Trai Jisu. Ka jingwan shisha jong U yn iohi da ki bynrew baroh kylleng ka pyrthei—“kumba mih ka leilieh kaba phalang na mihngi sha sepngi” (Mathaios 24:27)—kane kan jia hadien ba ia kane ka pyrthei yn pynkhyniuuh da ki khlam ba shyrkhei.

2. Ki Thma bad ki Jingbna jong ki Thma. U Trai Jisu U la ong ruh, “Phin sa iohsngew shaphang ki thma bad ki jingbna ia ki thma. Phim dei ban sngewkhuslai; naba ka dei ba kine kiei kiei baroh kin long; hynrei, ka

bakut kam pat la jia. Naba ka kynja bynrew kan ieng ialeh ia ka kynja bynrew, bad ka hima ruh ia ka hima” (Mathaios 24:6–7). Katba ngi poi sha ki sngi bakut ka pyrthei, ki thma kin jia kham khah khah bad kin long ruh kham jur bad kham tyngeh.

3. Ki Nemsniew, ki Jumai, bad ki Jingiapthem. Ka dak kaba lai kaba Ula iathuhlypa ka long ba “kin long ki ‘nemsniew bad ki jingiapthem ruh, bad ki jingkhyniuuh jumai ha shibun ki jaka. Hynrei, kine baroh ki long tang ki jingsdang ki jingjynjar” (Mathaios 24:7–8). Palat ar klur ki briew ki la shitom na ki ‘nemsniew naduh ba sdang kane ka spah snem ba mynta. U jumai ba jia ha Nepal ha u snem 2015, uba la shim ia phra hajar ngut ki mynsiem briew, u long u wei na ki jumai ba shyrkhei tam. Ki jingpang ki la pyniap ia ki hajar ki jingim. Shisha, ngi iohi shai ia kaei kaba U Jisu U la iathuhlypa.

4. Ka Jinghiardor ha ka longbriew manbriew. U Trai Jisu U la ong, “Te namar ba ka pop kan man bun, ka jingieit kiba bun kan man khriat” (Mathaios 24:12). La tharai ba don kumba 91 ngut kiba shah leh be-ijot